

sunt omnes in Academia nostra docentes; Præprimis Maxime Venerandus Tuus Præses exhibitæ Disputationis, Senior totius nostri corporis & apud Exteros longe Inclytus. Sic studia & vitam agis Studioso Theologo dignam omnibusq; Patronis Munificis & bonis commendandam. Faxit D. T. O. terqve M. ut studiorum tuorum emolumenta brevi sentias uberrima.

*Dabam è Mas. M. Dominic. Reminiscere Ao. 1714.*

*Nobil. atque Doctissimo DN. MAYERO, Amico  
atque Auditori suo jucundissimo χάρτες!*

**I**lli demum ex Nobilissimorum DNN. Studiosorum cohorte sibi, conscientiaqve suæ benè consulunt, qui ad Academiam, tanquam bonarum artium foecundam matrem missi, DEUM, omnium artium ac scientiarum Sactorem statoremve, cultu haud infucato sibi reddunt propitium, tempus non otio, non luxu, non comestationibus, aliisque id genus flagitiis consumunt, sed totos se, quanti quanti sunt, studiis dicant, tradunt, mancipant, insimul quoque humanitati, civilitatiqve ex animo litant. TU itaque optime DN. MAYERE! rebus tuis optime præesse stude, Summum Numen humillimè colendo, bonas literas intimè amando, suavitatemqve morum toto ex pectore induendo. Hinc DEUM habes benevolum, Patronos faventes, Præceptores, Doctoresqve in sinu gaudentes. Quia verò illum, quem Tibi hætenus comparasti, eruditionis apparatus publicè exponere, atque sub umbone DN. SENIORIS nostri maximè Venerabilis, (quem adhuc diu sospitem velit esse Summum Numen) cathedram Academicam conscendere paras, de rebus Theologicis cum eruditis eruditos misturus discursus, hos Tibi conatus honestissimos ex animo gratulor, DEUM precatus, velit suavissima gratiæ suæ aura Tibi nunquam non quam clementissimè adspirare, studiaqve tua hætenus laudabiliter gesta, ad majus inde fastigium benignissimè provehere, in solius æterni Patris gloriam, ecclesiæ emolumentum, ac Consanguineorum Amicorumqve gaudium. Vale, faveqve.

T. T.

HERM. CHRISTOPH. Engelcken / D,

*Nobil. atque Clarissimo DN. Respondenti, ingenio S. S. Theol. Cultori,  
S. & O.*

**O**mnino approbandum ab omnibus est, quod aggredieris, institutum tuum, Optime MAYERE! quando publicum laudatissimæ tuæ diligentia ac comparatæ per illam in Regiomontanâ partim, partim & hac nostrâ Rostochiensis Academiae eruditionis specimen es exhibiturus. Ecquid enim studiis